



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-444
fax. +387 33 726-423
e – mail: info@voda.ba

Broj: **UP-1/21-1-40-132-3/25**

Datum: **14.04.2025. godine**

«Agencija za vodno područje rijeke Save» Sarajevo rješavajući po zahtjevu «Agencije za vodno područje rijeke Save» Sarajevo, podnesenom putem «Sektora za realizaciju investicionih projekata», za izdavanje prethodne vodne saglasnosti za aktivnost - regulacija korita rijeke Krivaje u naselju Brezik polje – Luka na lokaciji Hum u MZ Brezik, grad Zavidovići, na osnovu člana 109. stav (1) tačka 14. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22) **donosi**

R J E Š E N J E **o prethodnoj vodnoj saglasnosti**

1. Investitoru, «Agenciji za vodno područje rijeke Save» Sarajevo daje se prethodna vodna saglasnost za aktivnost - regulacija korita rijeke Krivaje u dužini cca 500m u naselju Brezik polje – Luka na lokaciji Hum u MZ Brezik, grad Zavidovići, u cilju poboljšanja uslova tečenja i sprječavanja štetnog djelovanja voda.
2. Prethodna vodna saglasnost se daje na osnovu pregleda projektne i druge dokumentacije dostavljene od strane podnosioca zahtjeva i pod sljedećim uslovima:
 - 2.1. Pripremiti investiciono-tehničku dokumentaciju na nivou glavnog projekta, urađenu i revidovanu od strane pravnih lica koja imaju ovlaštenje (lista «A») pribavljeno od strane Federalnog ministarstva poljoprivrede, vodoprivrede i šumarstva, a sve u skladu sa članom 5. stav (2) i stav (4) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj 31/15, 55/19, 41/20 i 63/22).
 - 2.2. Projektom dokumentacijom treba da se obuhvati tehničko rješenje uređenja obala i korita rijeke Krivaje sa objektima za zaštitu od štetnog djelovanja voda na navedenoj lokaciji. Projekat između ostalog treba sadržavati:
 - Rješenje kojim će se urediti obale i korito rijeke Krivaje na navedenoj lokaciji u cilju zaštite od poplava pri pojavi velikih voda ranga 1/100 sa potrebnim nadvišenjem,
 - Trasu regulacije rijeke Krivaje na dionici koja se uređuje treba uklopiti sa prirodnim obalom i koritom uzvodno i nizvodno od predmetne dionice uzimajući u obzir i uticaje na infrastrukturne i druge objekte na obje obale,
 - Hidraulički i hidrološki proračun i analize koji se odnose na određivanje nivoa velikih voda rijeke Krivaje u prirodnom i regulisanom stanju za različite rangove pojave uključujući i usvojeni nivo zaštite od velikih voda, te uticaje postojećih i planiranih objekata u koritu (mostova),
 - Proračun vučnih napona u cilju određivanja načina zaštite (oblaganja) obale rijeke Krivaje, mjerodavnog nagiba, tipa obloge, krupnoće kamenog nabačaja koji će se koristiti i sl;
 - Rješenje odgovarajuće obloge kosina u cilju zaštite od erozije sa potrebnim detaljima,
 - Situativni prikaz sa ucrtanom dionicom obuhvaćenom aktivnostima izgradnje zaštitnih objekata i uređenja obale rijeke Krivaje na ažurnim geodetskim podlogama (ne starijim od tri mjeseca) kao i uzdužnim i poprečnim profilima riječnog korita urađenim na bazi geodetskog snimanja, koje će se provesti za potrebe izrade ove dokumentacije. Snimanje izvesti preko operativnog vlaka uz povezivanje sa državnim nivelmanom sa osiguranjem krajnjih tačaka poprečnih profila na terenu trajnim biljegama (uz položajni opis i nacrt), preko kojih će se vršiti kontrola realizacije ovih radova,
 - Tehnički opis rješenja uz obrazloženje rješenja i pojašnjenje efekata izgradnje zaštitnih objekata, tehničke uslove izvođenja kao i odgovarajuće grafičke priloge uobičajene za nivo izvedbenog projekta,
 - Predmjer radova u okviru koga se treba utvrditi obim radova i bilans masa za materijal koji ima svoju upotrebnu i tržišnu vrijednost i koji se može dalje koristiti (pijesak, šljunak),

materijal koji će se iskoristiti za radove na uređenju vodotoka i materijal koji treba ukloniti, a isti nema upotrebnu vrijednost. Bilans masa uraditi na osnovu geodetski snimljenih podloga i rezultata geomehaničkih istražnih radova. U zavisnosti od utvrđenog kvaliteta i količine materijala koji se planira izvaditi iz vodotoka, definisati mjesto njegovog odlaganja, odnosno daljeg korištenja,

- Rješenje uvođenja zaobalnih voda te broj, raspored i izgled stabilizacionih pragova, rampi i stepenica za pristup koritu i sl.,
 - Prilikom definisanja normalnih profila uvažiti uslove koji se odnose prije svega na izgrađenost obale, morfologiju terena, razvojno-plansku dokumentaciju, ranije izgrađene objekte zaštite od poplava, geološki sastav korita i sl;
 - Zahvati uređenja korita i obala rijeke Krivaje moraju uvažiti postojeće imovinsko – pravne odnose i radove svesti u pojas kojim će se najmanje narušiti privatni posjedi i parcele,
 - Projektna dokumentacija treba da bude urađena na zakonski zahtijevanom nivou za ovu vrstu radova i da sadrži sve opće i tehničke elemente propisane zakonima iz ove oblasti.
3. Po izradi dokumentacije iz tačke 2.1. dispozitiva ovog Rješenja, nosilac prava iz prethodne vodne saglasnosti dužan je da ovoj Agenciji podnese zahtjev za izdavanje vodne saglasnosti. Zahtjev za izdavanje vodne saglasnosti dostavlja se u skladu sa članom 8. i 19. Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH» broj 31/15, 55/19, 41/20 i 63/22). Uz zahtjev se, između ostalog, prilaže:
- Investiciono - tehnička dokumentacija zahtijevana tačkom 2.1. ovog Rješenja,
 - Rješenje o urbanističkoj saglasnosti za regulaciju korita rijeke Krivaje na predmetnoj dionici,
 - Dokaz o riješenim pitanjima imovinsko – pravnih odnosa na prostoru na kome će se izvoditi radovi kao i na trasi pristupnog puta do lokacije planiranih radova,
 - Saglasnost udruženja sportskih ribolovaca grada Zavidovići na termine provođenja radova na predmetnom uređenju obala i korita rijeke Krivaje.
4. Ukoliko nakon izdavanja prethodne vodne saglasnosti, a u toku pripreme dokumentacije za podnošenje zahtjeva za izdavanje vodne saglasnosti, u roku utvrđenom u članu 111. stav 3. Zakona o vodama, nastupe okolnosti za koje se može pretpostaviti da mogu biti od uticaja na rješavanje zahtjeva za donošenje rješenja o vodnoj saglasnosti, nosilac prava iz prethodne vodne saglasnosti dužan je o nastanku tih okolnosti obavijestiti ovu Agenciju prije podnošenja zahtjeva, odnosno obavezno navesti okolnosti u zahtjevu za izdavanje vodne saglasnosti.
5. Ovu prethodnu vodnu saglasnost Investitor će koristiti u postupku ishodovanja urbanističke saglasnosti i ona definiše sve uslove koje projektna dokumentacija, koja se podnosi u postupku dobivanja vodne saglasnosti i građevinske dozvole, treba ispuniti sa aspekta voda u skladu sa Zakonom o vodama.
6. Prethodna vodna saglasnost se daje sa rokom važenja od tri (3) godine od dana pravosnažnosti ovog rješenja.

Obrazloženje

Investitor, «Agencija za vodno područje rijeke Save» Sarajevo putem «Sektora za realizaciju investicionih projekata» Agencije je podnio zahtjev dana 26.03.2024. godine za izdavanje prethodne vodne saglasnosti za aktivnost – regulacija korita rijeke Krivaje u dužini cca 500 m u naselju Brezik polje – Luka na lokaciji Hum u MZ Brezik na dijelu zemljišta označenog kao k.č. broj: 1762 K.O. Krivaja i 3848/1 K.O. Hajdarevići, grad Zavidovići.

Uz zahtjev je dostavljena i pregledana sljedeća dokumentacija:

- Kopija Aktuelnog izvoda iz sudskog registra broj: 065-0-RegZ-14-002716 izdatog dana 21.04.2014. godine od strane Općinskog suda u Sarajevu,
- Kopija Obavještenja o razvrstavanju pravnog lica prema klasifikaciji djelatnosti broj: 07-32.5-45391/12 izdatog dana 11.12.2012. godine od strane Službe za statistiku za područje Kantona Sarajevo,
- Kopija Uvjerenja o poreznoj registraciji izdatog dana 14.12.2012. godine od strane Porezne uprave Federacije BiH - Kantonalni porezni ured Sarajevo,
- Izvod iz posjedovnog lista broj: 52 za parcelu označenu kao k.č. broj: 1762 K.O. Krivaja izdat dana 24.03.2025. godine od strane Službe za upravu geodetskih, imovinsko-pravnih poslova i urbanizam Grada Zavidovići,

- Kopija katastarskog plana br 4 za k.č. broj: 1762 K.O. Krivaja izdata dana 21.03.2025. godine od strane Službe za upravljanje geodetskih, imovinsko-pravnih poslova i urbanizam Grada Zavidovići,
- Izvod iz posjedovnog lista broj: 82 za parcelu označenu kao k.č. broj: 3848/1 K.O. Hajdarevići izdat dana 24.03.2025. godine od strane Službe za upravljanje geodetskih, imovinsko-pravnih poslova i urbanizam Grada Zavidovići,
- Kopija katastarskog plana br 11 za k.č. broj: 3848/1 K.O. Hajdarevići izdata dana 21.03.2025. godine od strane Službe za upravljanje geodetskih, imovinsko-pravnih poslova i urbanizam Grada Zavidovići,
- Glavni projekat – Uređenje obala i obezbjeđenje proticajnog profila korita rijeke Krivaje u naseljenom mjestu Brezik polje – Luka na lokaciji Hum, grad Zavidovići» urađen od strane «HIGRACON» d.o.o. Sarajevo, juli 2023. godine i revidovan od strane «IPSA INSTITUT» d.o.o. Sarajevo (broj: 8930/23, februar 2024. godine).

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 124. stav (1) Zakona o vodama i članom 21. Pravilnika o sadržaju, obliku, uslovima, načinu izdavanja i čuvanja vodnih akata o zahtjevu je dana 03.04.2025. godine obavještena javnost putem obavještenja na oglasnim pločama «Agencije za vodno područje rijeke Save» u Sarajevu i u Uredu u Zenici, te dana 04.04.2025. godine u dnevnom glasilu «OSLOBOĐENJE». U datom roku nije bilo pisanih izjašnjenja o predloženim aktivnostima iz zahtjeva. U provedenom postupku konstatovano je sljedeće:

Aktivnost za koju je podnesen zahtjev za donošenje rješenja o prethodnoj vodnoj saglasnosti je regulacija korita rijeke Krivaje u dužini cca 500 m neposredno uzvodno i nizvodno od mosta u naselju Brezik polje – Luka na lokaciji Hum u MZ Brezik na dijelu zemljišta označenog kao k.č. broj: 1762 K.O. Krivaja i k.č. broj: 3848/1 K.O. Hajdarevići, grad Zavidovići, grad Zavidovići.

Projektom su obrađeni normalni profil (tip 1 i tip 2) usvojeni na prezentaciji održanoj 10.08.2023. godine u prostorijama Grada Zavidovići. Na dionici od stacionaže 0+000,00 km do mosta 0+162,50 km i od 0+305,50 km do 0+500,00 km tj do kraja regulacije projektom je predviđen normalni profil obaloutvrde (tip 1) sa osiguranjem kamenim nabačajem (dsr=45cm) i nagibom kosine 1:1,5. Na vrhu kosine predviđena je kruna nasipa širine 3 m.

Na dionici uzvodno od mosta, stacionaža od 0+162,50 km do 0+305,50 km, predviđen je normalni profil obaloutvrde (tip 2) sa osiguranjem obale kamenim nabačajem (dsr=45cm) i nagibom kosine 1:1,5 sa krunom nasipa širine 3 m na desnoj obali odnosno uklapanjem u prirodnu kosinu na lijevoj obali. Projektom su predviđeni betonski stabilizacioni pragovi (ukupno 5) na razmaku od 120 m, silazne betonske stepenice (ukupno 4), betonski kanal za uvođenje zaobalnih voda ukupne dužine 850, zacjvljenje tri potoka sa uvođenjem u vodotok te prilazna rampa na lijevoj obali rijeke Krivaje za pristup mehanizacije. Uređenjem obala i korita rijeke Krivaje, te izgradnjom objekata za zaštitu od poplava na predmetnom lokalitetu obezbjeđuje se proticajni profil, stabilizacija obala rijeke Krivaje te sprječava štetno djelovanje voda.

Na osnovu utvrđenog činjeničnog stanja i dostavljene dokumentacije, a u svrhu smanjenja negativnih uticaja predmetne aktivnosti na režim voda i prava na vode dodjeljena drugim korisnicima, podnosiocu zahtjeva su ovim vodnim aktom, u tački 2. dispozitiva Rješenja, shodno odredbama Zakona o vodama i Pravilnika o sadržaju, obliku, uslovima, načinu izdavanja i čuvanja vodnih akata, propisani uslovi koje je dužan da ispuni prilikom izrade projektne dokumentacije koja će Investitoru biti potrebna u postupku pribavljanja vodne saglasnosti i odobrenja za građenje.

Na osnovu priložene tehničke dokumentacije utvrđeno je da se u svrhu poboljšanja hidromorfološkog stanja vodotoka, dinamike prirodnog procesa tečenja i smanjenja opasnosti od nastanka šteta od poplava i šteta nastalih erozionim procesima na obalama i u koritu rijeke Krivaje u naselju Brezik polje – Luka na lokaciji Hum u MZ Brezik, grad Zavidovići na osnovu člana 109. stav (1) tačka 14., a u vezi sa članom 111. Zakona o vodama i člana 17. stav (1) tačka 9. Pravilnika o sadržaju, obliku, uslovima, načinu izdavanja i čuvanja vodnih akata, valjalo riješiti kao u dispozitivu ovog Rješenja.

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema Rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

Nermina Hodžić, dipl.inž.građ.

Po ovlaštenju
Rukovodilac sektora za izdavanje vodnih akata



Nihad Pezo
Nihad Pezo, dipl.inž.građ.

Dostaviti:

- «Agencija za vodno područje rijeke Save» Sarajevo - Sektor 30
- AVP Sava, ISV - vodna knjiga
- Sektor 40 - arhiva
- Oglasna ploča - AVP Sava